



Qaaqussutitut allakkami immikkoortoq 5.1 akiliutitut tunngatillugu akissut.

Tammajuitsussarsiorluni piniarnermut akuersissutitut aalajangiussatut akitsuummik tunngatillugu Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik saaffiginnissutitut arlalinnik nassitsivigineqarsimavoq. Tammajuitsussarsiorluni piniarnermut, aammalu tammajuitsussarsiorluni piniarnermut akuersissutitut takkuttussat qanoq isikkoqarnissaannut toqqammaavissat qanoq ittuunissaannut soqutiginninnerujussuaq naalakkersuisoqarfiup assut iluarisimaarpaa.

Tammajuitsussarsiorluni piniarnermut akuersissutitut tassaavoq takornariartitsinermit tunisassiaq nutaarluinnaq, Sumiiffinni nunami aalajangersimasuni takornariartitsinermit akuersissuteqartarnissaq pillugu Inatsisartut inatsisaannik tunngaveqartoq. Taamaattumik takornariartitsinermit tunisassiamut inuussutissarsiorfiup isumaanik tusagaqarnissaminut naalakkersuisoqarfik assorujussuaq soqutiginnippoq.

Oqaaseqaatit takkuttut tunngavigalugit akuersissummik piginnittumut akitsuutit imatut aalajangersarneqarnerat naalakkersuisoqarfiup erseqqissaavigissavai:

Pisinnaatitsissummik piginnittoq – tassaasoq inuk nunami aalajangersimasumik sumiiffilimmi tammajuitsussarsiorluni piniarnermut akuersissummik nalunaarfigineqartoq – sumiiffiup akuersissuteqarfiusup iluani umimmannut ataasiakkaanut pisarisanut akitsuut 2.000 kr. akilertassavaa, aammalu sumiiffiup akuersissuteqarfiusup iluani tutunut ataasiakkaanut pisarisanut akitsuut 1.000 kr. akilertassallugu.

Umimmannut 2.000 kr.-nik aamma tutunut ataasiakkaanut 1.000 kr.-nik akuersissutitut ataasiakkaanut tammajuitsussarsiorluni piniarnermik suliaqartut tamarmik ullumikkut akitsuummik akiliuteqartarnerat naalakkersuisoqarfiup nalunngilaa. Akitsuut taanna aningaasanut inatsimmi aalajangersarneqartassaaq.

Aalisarnermut Piniarnermullu Naalakkersuisoqarfik ilisimatitsivoq naatsorsuutigigini takornariartitsisartut tammajuitsussarsiorluni piniarnermut akuersissummik qinnuteqarsimannigitsut, imaluunniit tammajuitsussarsiorluni piniarnermut akuersissummik nalunaarutisisimannigitsut 1. januar 2019-imit

atuutilersumit sumiiffiit akuersissuteqarfiusut avataanni umimmannut ataasiakkaanut pisarisanut akitsuut 4.000 kr. akiliutigisassagaat, aamma sumiiffiit akuersissuteqarfiusut avataanni tutunut ataasiakkaanut pisarisanut akitsuut 2.000 kr. akiliutigisassagaat. Annertussusiinerilli taakku 2019-imut aningaasanut inatsimmi aalajangersarneqassapput.

Eqikkaallunili tammajuitsussarsiorluni piniarnermut akuersissummut akitsuut 1. januar 2019-imit atuutilertumik sumiiffiup akuersissuteqarfiusup iluani umimmannut ataasiakkaanut pisarisanut akitsuut 2.000 kr. akiliutigineqartassasoq, aammalu sumiiffiit akuersissuteqarfiusut iluanni tutunut ataasiakkaanut pisarisanut akitsuut 1.000 kr. akiliutigineqartassasoq oqaatigineqaqqissaq.

Akitsuutit taakku akuersissutaasuni erseqqissarneqassapput aamma.